



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Disp. II. De subjecto virtutum

[urn:nbn:de:hbz:466:1-78232](#)

ciendum; nam per ly, optimum, intelligitur A actus, quia hic pertinet ad ultimum potentiaz complementum.



DISPUTATIO II.

De subjecto virtutum.

Ad questionem 66. D: Thome.

Certum est virtutes cum sint habitus immediae operativi, non in ipsa essentia animae, sed in eius potentia residere, ut probat D. Thomas hic art. 1. Constat etiam virtutes nec in membris exterioribus corporis, nec in potentia vegetativa, neque in sensibus externis subiectari posse: quia hujusmodi facultates non sunt indifferentes ad operandum bene vel male, sed omnino determinatae ad unum modum operandi, subindeque nullam secundum se habent difficultatem in exercendis propriis operationibus. Unde de quatuor solum potentia dubitari potest, utrum sint subiectum virtutis, nimirum de intellectu, de sensibus internis, de appetitu sensitivo, & de voluntate: de quibus breviter hic agendum est.

ARTICULUS PRIMUS.

Vtrum intellectus & sensus interni possint esse subiectum virtutum?

1. **N**otandum primò, intellectum posse confidari dupliciter: primò secundum se, seu secundum id quod ei competit ex propria linea: secundò ut subest motioni voluntatis, cuius proprium est mouere quoad exercitium intellectum, ceterasque potentias in ordine ad proprium objectum, quod est finis.
2. Notandum secundò, ex D. Thoma hic art. 3. duplicem in solere distingui virtutem; unam quæ est talis simpliciter, quæ scilicet facit actum bonum simpliciter, & reddit simpliciter bonum habentem, neque solum dat facultatem bene operandi, sed etiam rectum usum illius: aliam vero quæ est virtus tantum secundum quid; quia nec reddit bonum simpliciter habentem, nec dat bonum usum, sed duntaxat facultatem bene agendi. His præmissis, pro resolutione difficultatis propositæ,
3. Dico primò, intellectum secundum se confidatum, esse subiectum virtutis; non tamen virtutis simpliciter, sed tantum virtutis secundum quid.
3. Prima pars patet: Virtus enim ponitur in illis potentia, quæ sunt indifferentes ad diversum modum operandi circa proprium objectum, bene scilicet aut male, & quæ secundum se habent difficultatem in exercendis propriis operationibus: Sed utrumque convenient intellectui secundum se considerato; ille enim est indifferens ad intelligendum bene vel male, seu ad attingendum objectum sub ratione veri vel falsi, & ad attingendum verum patitur difficultatem: Ergo in illo poni debet aliquis habitus, quo determinetur, inclinetur, & faciliter ad

A attingendum verum. Unde, ut infra dicemus, in intellectu speculativo dantur tres habitus, nimirum intelligentia, scientia, & sapientia, quibus disponitur, inclinatur, & determinatur ad attingendum verum immediatè & sine discursu, acq[ui]ui mediatae & cum discursu.

Secunda vero pars, quæ asserit hujusmodi habitus in intellectu speculativo residentes, non esse virtutes simpliciter, sed tantum secundum quid, probatur duplì ratione quam insinuat D. Thomas hic art. 3. Prima est: Virtus secundum quid est illa quæ tribuit tantum facultatem bene operandi, non vero rectum usum illius, seu applicationem ejus in ordine ad finem honestum: Sed virtus recepta in intellectu secundum se considerato, & ut prævenit motionem voluntatis, tribuit solum facultatem bene operandi, putat scientiam bene intelligendi, non vero rectum usum illius, seu applicationem actus in ordine ad finem honestum; quia cum finis honestus sit objecutum voluntatis, nulla potest ad eum ordinare suum actum, nisi ex voluntatis motione: Ergo solum virtus secundum quid potest recipi in intellectu, secundum se considerato, & ut prævenit motionem voluntatis in ordine ad finem honestum.

Secunda ratio D. Thoma est: Virtus simpliciter reddit habentem simpliciter bonum: Sed virtus intellectus secundum se simpliciter non reddit habentem simpliciter bonum: Ergo non est virtus simpliciter. Major patet, Minor probatur. Ex hoc enim quod aliquis habet scientiam Theologiae, vel Philosophie v.g. non dicitur bonus simpliciter & absolute, sed secundum quid, & cum addito, scilicet bonus Theologus, & bonus Philosophus: unde Theologus, sit peccator, denominatur simpliciter malus.

Dico secundò, intellectum, ut mobile à voluntate per affectum boni honesti & moralis, esse subiectum virtutis simpliciter. Ita S. Thomas articulo citato, & sequitur ex præcedenti conclusione. Habitus enī, qui nēdū dāt facultatem bene operandi, sed etiam rectum usum illius facultatis, sunt virtutes simpliciter: Atqui habitus afficiens intellectum, ut mobile à voluntate per affectum boni honesti & moralis, dāt nēdū facultatem bene operandi, sed etiam rectum usum illius: Ergo sunt virtutes simpliciter. Major patet ex dictis in præcedenti conclusione. Minor vero probatur. Ex eo enim quod aliquis habitus afficiens intellectum, ut mobile à voluntate ex affectu boni honesti & moralis, nēdū reificat intellectum, sed etiam voluntatem moventem, & eam inclinat ad recte movendum: Sed hoc est dare rectum usum: Ergo, &c.

Confituratur: Virtus quæ est in intellectu, ut mobile à voluntate per affectum boni honesti, tendit in bonum honestum & morale; quod est bonum simpliciter, & denominatur simpliciter bonum habentem: Ergo est virtus simpliciter: Ex quo

Inferens primo, prudentiam esse virtutem simpliciter, non vero fidem, vel artem. Nam prudenter afficiens intellectum practicum, ut mobile ex amore boni honesti & moralis, licet enim tendat ad verum agibilem, tanquam ad rationem sub qua, ejus tamen ratio quæ est bonum morale, ut tale, vel est verum, non purè intellectuale, & speculativum, sed morale & practicum, quod

quod consistit in conformitate ad appetitum regnum: fides verò & ars, licet sint in intellectu ut mobilis à voluntate, non sufficiunt tamen ipsum, ut mobilem per affectum boni honesti & moralis, sed fides perficit ipsum formaliter ut mobilem affectu veri revelatiā prima veritate, & ars ut mobilem affectu rectitudinis artificiose. Ex quo sit, quod aliquis possit exercere opus artis, & elicere actum fidei, ex vana gloria: quia vana gloria, ut pote malum morale, non repugnat nisi & bonitati artis, neque veritati speculativa, quam inspicie fides.

Nec dicas hanc doctrinam esse contrariam D. Thomā, qui hic art. 3, formaliter allearit fidem esse virtutem simpliciter. Respondebat enim D. Thomā loqui de fide, non secundum se & praeceps sumpta, quomodo in praesenti easam sumimus, sed ut formata per charitatem, quā ratione induit simpliciter esse virtutis.

Addo fortè D. Thomā numerare fidem inter virtutes simpliciter, quia licet ex se non faciat actum omni ex parte bonum, sed solum in tertio genere; in hoc tamen convenienter cum virtute simpliciter dicta, quod quia inclinat voluntatem in sui usum in propria materia, non potest actum oppositum compati, sicut eam compatitur virtutes secundum quid: si enim aliquis etiam ex industria discredat aliquem fidēi articulum, aut de ipso dubitet, fidem amitterit, cum tamen faciens demonstrationem ex industria male concludente, in nullo sedat habitum Logicū. Imò fides in hoc excedit virtutes morales acquisitas, quod illa nec etiam in statu imperfecto compatitur actum ex polita n, quem tamen virtutes morales utrumque compatuntur; sicutdem justitia acquisita non destruitur omnino primo actu contrario, quamvis à statu perfecto dimovatur; fides verò etiam simpliciter dubio evanescit.

Inferes secundò, virtutem non dici univocè, sed analogicè de virtute pure in intellectuali (cujusmodi sunt scientia, sapientia, intelligentia, &c. art.) & de virtute moralis, quæ habet tendere in bonum morale: ita colligitur ex S. Thoma infra quest. 1. art. 1. ad 1. ubi dicit: quod sicut ratio entis, etiam secundum rationem communem entis, participatur inaequaliter a substantia & accidente, & consequenter analogicè; ita & ratio communis virtutis à virtute moralis & pure intellectuali. Et ratio est, quia virtus est nomen impositum ad significandum simpliciter principium rectitudinis moralis, ex quo postea translatum est ad significandam per quandam metaphoram qualibet rectitudinem, etiam in esse phisico, quilibet est rectitudo intellectus cognoscens res ut sunt in se: unde consequenter dicendum est, hanc analogiam esse proportionitalitatis metaphorice.

Nec obstat, quod virtutes intellectuales (ut infra dicemus) sint simpliciter perfectiores moralibus, ut pote pertinentes ad nobiliorem potentiam: quia bene stat illud quod est simpliciter minus perfectum alio, significari aliquo nomine, quod sibi soli simpliciter conveniat, alteri verò perfectiori, secundum quid tantum; ex eo quod tale nomen est primariò imponsum ad significandum imperfectius, ut contingit in proposito.

Dico tertio, in sensibus internis nullas subiectari virtutes. Ita S. Thomas hic art. 5.

Probatur ratione ipsius: Virtus debet poni in

A illa potentia, quæ est consummativa boni operis: At cognitione veri, quæ est opus bonum potentia cognoscitiva, non consummatur in potentia sensitiva apprehensionis, sed duntaxat in intellectu: Ergo licet ponantur virtutes in intellectu, non tamen in sensibus internis. Major paret: virtus enim habet opus perfectum, cum sit dispositio perfecti ad optimum. Minor etiam non est minus evidens: nam potentia sensitiva apprehensionis, sunt quasi preparatoria & dispositiva ad cognitionem intellectus, cuius proprium est attingere verum: Ergo cognitione veri non consummatur in sensibus internis, sed solum in potentia intellectiva.

ARTICULUS II.

Vtrum in appetitu sensitivo sint virtutes proprie dictæ?

C Ertum est apud omnes, quod si appetitus sensitivus sumatur secundum rationem communem homini & bruto, non potest esse subiectum virtutis, nec ullius habitus: sed si consideretur prout in homine obediens potest voluntari, non despoticè sicur membra externa, sed duntaxat politice, concedit qui idem omnes habitum aliquem subiectari in appetitu sensitivo hominis, quo inclinetur & determinetur ad obediendum voluntati; sed negant aliquitatem habitum vera in rationem virtutis moralis habere, subindeque existimant virtutes proprie dictæ in appetitu sensitivo non reperiri. Ita docent D. Bonaventura in 3. dilt. 3. art. 1. quest. 3. Scotus ibid. quest. unicā, & vazquez hic disp. 87. cap. 2. Opposita tamen sententia, quæ veras virtutes in appetitu sensitivo hominis agnoscit, est expressa D. Thome hic art. 4. & Discipulorum eius, quos sequuntur plures ex Recentioribus. Unde fit

S. I.

Sententia D. Thome suadetur.

D Ico igitur, appetitum sensitivum hominis, 12. ut natura obediens politice rationi, esse subiectum virtutis proprie dictæ, puta fortitudinis & temperantiae.

Probatur primo ex Aristotele 3. Ethic. cap. 3 ubi ait quod temperantia & fortitudo sunt partium irrationalium: per partem autem irrationalis intelligit appetitum sensitivum; quia cum intellectus & voluntas sint potentia spiritalis animæ, pertinent consequenter ad ejus rationem: Ergo juxta Aristotelem aliqua virtutes proprie dictæ resident in appetitu sensitivo.

Nec valet quod dicunt aliqui ex Adversariis, nimurum Aristotelem per partem irrationalis intelligeri voluntatem, sicut & per rationalem, solum intellectum. Non valet, inquam, tum quia cum voluntas consequatur rationem, & sit appetitus rationalis, non nisi incongrue pars irrationalis dici potest: tum etiam quia idem Philosophus 1. Ethic. cap. ultimò, partem illam irrationalis, quam dicit esse subiectum virtutis, vocat vim concupiscentiæ, quod nomine non potest intelligi voluntas, sed solum appetitus concupisibilis.

Probatur secundò conclusio: Temperantia 13.

v.g.

v.g. prout resideret in appetitu sensitivo, convenit cum proprietate definitio virtutis ex Augustino desumpta, & disp. precedenti art. 3. explanata: Ergo illa est virtus propriè dicta, subindéque in appetitu sensitivo hominis virtutes propriè dictæ subjectari possunt. Utraque consequentia patet, Antecedens probatur discurrendo per singulas particulas illius definitionis. In primis enim habitus, quo concupiscibilis inclinatur ad appetendum cibum v.g. juxta regulam rationis, est bona qualitas, cum bene & consonè ad natu-ram hominis disponat talem potentiam. Deinde est qualitas mentis: quia ut loco citato diceba- mus, per mentem non intelligitur substantia animæ, vel solus intellectus, aut voluntas, sed quælibet potentia participes rationis, qualis est appetitus sensitivus ut est in homine, ut patebit ex infra dicendis. Rursus est id quo rectè vivitur: quia est principium actus temperati, rectèque rationi conformis. Demum tali habitu non possumus male uti, quia cum sit impressio quedam seu participatio rationis & prudentiae, essentialiter respicit actum rectum & virtuo-sum, neque ad actum aliquam partem viciosum, qui est malus ejus usus, potest concurrere. Nihil ergo deest illi ad veram virtutis rationem.

14. Nec minus propriè tali habitui convenientes definitiones Aristotelis, quas loco citato adduximus. Est enim dispositio perfecti ad optimum, cùm reddat perfectum appetitum, & disponat ad optimum ejus actum, qui est appetere secundum regulam rationis. Similiter est habitus electivus in mediocritate consilens; cùm appetitus ratione temperantia artingat medium inter extrema viciofa, & producat actum in ea mediocritate, quam prudentia dicit. Imò ex eo quod talis habitus sit in appetitu, provenit ut voluntas eligat tenere medium in passionibus, juxta prescrip-tum & regulam prudentiae; quatenus appetitus rectè dispositus, inducit intellectum, ut rectè judicet secundam illam dispositionem, ac proinde voluntatem ut rectè eligat; quia qualis unusquisque est, talis finis videtur ei, & talia appetit, siveque judicat, sicut est affectus.

Probatur tertio conclusio ratione deducta ex doctrina quam tradit S. Thomas in questione de virtutibus art. 4. ubi docet, ad hoc ut in aliqua potentia reperiatur virtutes propriè dictæ, tres conditiones requiri. Prima est quod talis potentia apta sit m. veri & regulari a potentia superiori: & defectu hujus conditionis, in intellectu agente nulla est virtus. Secunda est, quod non sit omnino determinata ad unum modum operandi, sed habeat aliquam indifferentiam, ratione cuius possit ferri in contrarium: & defectu istius conditionis (ut supra annotavimus) in membris externis, & in sensibus tam interius, quam exterius nulla est virtus. Tertia de-nique, quod talis potentia sit consummativa actus virtuosi, & non tantum preparativa vel inchoativa: quia virtus habet opus perfectum, cùm sit dispositio perfecti ad optimum, perfec-tio autem consistit in consummatione: unde quia cognitione veri non consummatur in viribus sensitivis apprehensivis, in illis non sunt virtutes, quibus cognoscitur verum, sed solum in intellectu, ut articulo precedenti ostendimus. Atqui tres illæ conditiones reperiuntur in appetitu sensitivo hominis in ordine ad proprios actus: Ergo ille subjectum virtutis propriè dictæ esse potest. Minor probatur quoad singulas

A conditions. Et in primis quod appetitus sensi-tivus sit potentia apta moveri & regulari per potentiam superiorum, scilicet per rationem, constat experientia: nam viri probi moderan-tur passiones appetitus sensitivi secundum di-ctamen rationis, & sic in eis appetitus sensitivus obedit rationi moventi & regulanti. Dem-de quod appetitus sensitivus, ut est in homine, non sit omnino determinatus ad unum modum operandi, patet ex eo quod sapere contra ratio-nem operatur, & aliquando sequitur ductum rationis. Demum quod idem appetitus sit consum-mativus actus virtuosi, & non tantum preparati-vus vel inchoativus illius, non minus videtur manifestum: cùm enim virtutes morales ver-sentur circa passiones que in appetitu sensitivo subiectantur, completere habent suum opus, ubi actus & passiones ipsius appetitus ad medium & regulam rationis fuerint redacta, quicquid sit de actibus externis; unde sufficeret ut aliquis esset fortis, quod haberet passiones irascibilis perfectè rationi subiectas, licet extream pugnam non sustineret. Ergo tres conditiones requiri, ut aliqua potentia sit subjectum virtutis, in appetitu sensitivo reperiatur.

Denique si uaderi potest conclusio, ostenden-do fortitudinem & temperantiam in appetitu irascibili & concupiscibili subiectari. Ibi po-nenda est aliqua virtus, ubi est difficultas ad attingendum illius objectum: Atqui voluntas nullam habet difficultatem ad attingendum objectum fortitudinis aut temperantiae, sed tan-tum appetitus sensitivus: Ergo fortitudo & temperantia non in voluntate, sed in appetitu sensitivo subiectantur. Minor constat: quia es-sentia & effectus formalis habitus, maximè virtuosi, est tollere difficultatem, seu facilitare po-tentiam in qua est, ad attingendum promptè & faciliter proprium objectum. Minor autem probatur: Objectum a quo specificantur praedictæ virtutes, est moderantia passionum: Sed potentia qua paritur difficultatem ad attingendum tale objectum, est solus appetitus sensi-tivus, non autem voluntas: Ergo, &c. Major constat: fortitudo enim habet moderari passio-nes irascibilis, scilicet timorem & audaciam, maximè contra pericula mortis; temperantia vero amorem, desiderium, atque delectationem, circa delectabilia tactus & gustus. Minor probatur: Voluntas non habet difficultatem circa bonum rationis proprium, ut infra dicemus: Sed moderantia passionum est bonum rationis proprium, & proportionatum respectu volun-tatis; moderatio enim passionum est bonum conformato rationi & inclinationi naturali volun-tatis, ut magis parere ex dicendis articulo sequenti: Ergo voluntas nullam parit difficultatem in admittendo objecto praedictarum virtutum, sed tantum appetitus sensitivus, sub-indéque in isto sunt ponenda virtutes modera-tiva passionum, non vero in voluntate.

Si autem queratur, quomodo illæ virtutes habeant moderari passiones? Respondeo illas moderari dupliciter, efficienter scilicet, & for-maliter: efficienter quidem, quatenus eliciunt actus oppositos passionibus immoderatis; for-maliter vero, quatenus informando appetitum, disponunt & inclinant ipsum ad propria objec-ta, conformiter tamen ad rationem, ac per hoc istæ passiones non insurgunt ita vehementes.

§. II.

S. II.

Solvantur objectiones.

Obijecies primò cum Scoto: Virtus humana solum potest esse in illa potentia, quæ est propria hominis in quantum homo est: Atque appetitus sensitivus non est hujusmodi, sed communis hominibus & brutis: Ergo virtus humana seu moralis non potest in illo subjectari.

Huc argumento patet responsio ex dictis initio hujus articuli, ubi advertimus non esse sermonem de appetitu sensitivo secundum se, sed prout in homine aliquid rationis participat, quo pacto non convenienter brutis.

Obijecies secundò: Virtus moralis est habitus electivus, ut patet ex ejus definitione, disputatione praecedenti adducta: Sed habitus existens in appetitu sensitivo non est electivus; cum electione non sit actus appetitus sensitivi, sed solum voluntatis, ut docet D. Thomas supra quæst. 13. art. 2. Ergo habitus existens in appetitu sensitivo virtus moralis esse nequit; subindeque non in talia appetitu, sed in sola voluntate, virtutes morales subjectantur.

Respondeo omnem virtutem moralem esse quidem habitum electivum; in eo tamen differre virtutes morales quæ versantur circa passiones, & resident in appetitu sensitivo, ab aliis quæ non habent moderari passiones, & in voluntate subjectantur, quod ista sunt habitus electivi formaliter, directè, & immediatè, quia directè & immediatè efficiunt electionem, quæ in voluntate residet; illæ vero sunt habitus electivi solum participative, indirectè, mediatae, & completivæ: tum quia eliciunt actum appetitus, in quo electio voluntatis & ordo rationis participatur: tum etiam quia moderando passiones appetitus, quæ electionem debitam perturbant, indirectè & mediatae ad illam conducent: tum denique, quia licet ipsam electionem directè non eliciant, efficiunt tamen actum appetitus sensitivi executivum & completivum illius, subindeque habitus electivi executivæ & completivæ dici possunt. Quam doctrinam & solutionem fuisse expendunt Salmanticenses hic disp. 2. dubio 2. §. 2. eamque vatis D. Thomæ talionis illustrant.

Dices, Ex hac solutione sequi, quod in voluntate debeat poni virtus aliqua ad producendam illam electionem ad quam indirecte solum & mediatae virtutes temperantia & fortitudinis in appetitu sensitivo existentes concurredit: Sed hoc dicinequit, alioquin ad moderandas passiones requirentur duo genera virtutum mortaliuum, quarum alia in voluntate, alia in appetitu sensitivo existent: Ergo, &c. Sequela probatur: Antequam passiones appetitus sensitivi sint moderatae per habitus fortitudinis & temperantia, voluntas patitur difficultatem in eligendo illarum objecto: Ergo ad vincendam talam difficultatem, & ad resistendum passionibus appetitus irascibilis & concupisibilis, requiritur aliqua virtus in voluntate.

Respondeo negando Sequelam: Ut enim articulo sequenti ostendemus, voluntas non eget virtute superadditam, ut tendat in bonum proprium, quale est illud ad quod ordinantur temperantia & fortitudo. Ad probationem in contrarium dicendum est, illam solum probare, quod voluntas ob conjunctionem quam habet cum appetitu rebelli, indiget habitu continen-

Atrix ad resistendum passionibus concupisibilis, & habitu constantie seu perseverantie ad resistendum passionibus irascibilis: illi tamen habitus non habent rationem virtutis, ut docet S. Thomas infra quæst. 18. art. 3. ad 2. quia vera virtus non est in voluntate circa passiones, quamdiu non sunt sedatae, cum virtus sit dispositio perfecti ad optimum, id est ad perfectam operationem: patet autem quod continentia & perseverantia non sunt in voluntate absque perturbatione passionum, immo ad hoc ponuntur in illa, ut resistat passionibus contra rationem insurgentibus: Ergo sicut prædicti habitus non habent consummare bonum ad quod ordinantur, nimis moderaantiam passionum, ita nec habent rationem virtutis.

Bijecies tertio: Virtus moralis debet habere pro subiecto potentiam liberam: Sed appetitus sensitivus non est potentia libera: Ergo non est subiectum virtutis moralis. Major est certa virtus enim moralis debet esse principium actus liberis, & moralis, subindeque subiectari in potentia libera. Minor etiam videtur manifesta: cum libertas non in parte inferiori & sensitiva, sed in superiori & intellectiva residat, & sit formaliter in voluntate, & in intellectu radicaliter.

Respondeo primò Martinez, appetitum sensitivum esse principium actus liberis, non intrinsecè à libertate existente in ipso, sed extrinsecè ab ea quæ est in actu voluntatis. Sed hæc responsio difficultatem non solvit: cum enim omnis actus virtutis sit intrinsecè bonus & moralis, debet etiam esse intrinsecè liber, præterim cum bonitas moralis supra ipsam libertatem fundetur.

Respondeo secundo alii ex nostris Thomistis, quod sicut cogitativa in homine ex coniunctione, quam habet cum intellectu, vim aliquam discurrendi participat, ut colligitur ex S. Thoma i. p. quæst. 78. art. 4. in corp. & ad 5. ita appetitus sensitivus, ut est in homine, ex coniunctione quam habet cum voluntate, & ex eo quod utraque potentia radicetur in eadem anima, aliquam libertatem intrinsecam participat, ut docet idem S. Doctor in 2. dist. 21. quæst. 1. art. 2. ad 5. his verbis: *Appetitus concupisibilis habet quandam libertatem in homine, secundum quod potest obediere imperio rationis, & sic in concupisibili potest esse peccatum.*

Verum licet hæc doctrina verissima sit, & menti Angelici Doctoris consona, non sufficit tamen ad evanquam difficultatem argumenti propositi: nam actus virtutis debet esse simpliciter liber, sicut est simpliciter bonus & honestus: libertas vero, quam appetitus à voluntate participat, ob coniunctionem illam habitualem, & radicationem quam habent in eadem anima, tantum est secundum quid & imperfecta, & ideo non sufficit ad peccandum mortaliter, nisi consensus voluntatis accedit, sed solum venialiter, ut in Tractatu de peccatis fuisse ostendamus. Unde

Ad objectionem dicendum est cum Salmanticensibus, quod licet appetitus sensitivus hominis, ex vi coniunctionis quam habet cum voluntate, non evadat simpliciter liber, sed solum secundum quid, ex actuali tamen influxu & motione voluntatis, per quam ipsum applicat ad operandum, participat intrinsecè libertatem per festam: unde sicut in ipso ut actualiter moto à voluntate potest reperiiri vitium, & peccatum, non solum veniale, sed etiam mortale; ita prout

D. 5.
art. 2.

26.

Tt

sc

D I S P U T A T I O S E C U N D A

239 sic potest esse principium actus virtutis, & sub-
jectum virtutis moralis elicivæ talis actus,
27. Objicies quartò: In ea solum potentia resi-
det virtus moralis, quæ potest attingere bonum
honestum: Sed appetitus sensitivus nequit hoc
bonum attingere; cum ejus objectum ad equa-
tum sit bonum sensibile corporeum, honesto
valde inferius, & ei sepe contrarium: Ergo virtus
moralis in appetitu sensitivo subjectari ne-
quit.

28. Respondeo concessa Majori, negando Minorem: quamvis enim appetitus rationalis per se
primo attingat bonum honestum in communi, &
immediate regulatum per rationem; appetitus
tamen sensitivus, ut actualiter motus à ratione
& voluntate, per quandam participationem rationis
atttingit bonum honestum in particulari,
& regulatum per cogitativam; illud enim non
est omnino extra lineam sensibilis & corporis,
quia licet sit bonum secundum rationem, non
tamen nisi ut participative ordo rationis in actu
sensitivo habetur; quo pacto induit rationem
boni corporis & sensitivis, cum non sit aliud
quam corpora & sensitivis conformitas hujus
actus cum actu rationis.

29. Objicies quintò, & simul instabis contra pre-
cedentem solutionem: Regula virtutis moralis
est prudentia: Sed appetitus sensitivus non re-
gulatur per prudentiam: Ergo non est subjectum
virtutis moralis. Minor probatur: Appetitus
sensitivus regulatur per apprehensionem sensus:
Sed in sensu non est prudentia: Ergo appetitus
sensitivus non regulatur per prudentiam. Major
pater, Minor probatur. Prudentia debet atten-
dere ad omnes circumstantias, & omnia quæ
possunt accidere, præcavere: Sed hoc repugnat
sensui: Ergo in eo prudentia esse nequit.

30. Respondeo non omnem actum virtutis regu-
laris immediatè per veram prudentiam, sed me-
diatè, quatenus intellectus per veram pruden-
tiā proponit objectum honestum sensu, & sensu
proponit appetitui bonum auditum ab in-
tellectu: unde non opus est quod sensus atten-
dat ad omnes circumstantias, sed hanç circum-
spectiōnē supponit factam ab intellectu. Si tam-
en velis dicere, quod sicut in appetitu est quæ-
dam libertas participata à voluntate, ita map-
prehensione sensitiva, per quam dirigitur, est
quædam veluti prudentia imperfecta, ab intel-
lectu participata, quæ plures circumstantias actus
ab appetitu eliciti potest attingere; nihil dices
à veritate, & à principiis supra statutis alienum.

A R T I C U L U S III.

Vtrum in voluntate ponenda sit virtus non so-
lum in ordine ad bonum supernaturale,
& bonum naturale alienum, sed
etiam in ordine ad bonum con-
naturale propriis suppositi?

Certum est apud omnes, virtutem non po-
ni in voluntate, nisi ad attingendum bonū
honestum & morale, seu communia cum ad re-
giam rationem & dictamen prudentia: sed cùm
tale bonum sit duplex, aliud supernaturale &
divinum, quod non potest cognosciri per lu-
men supernaturale, & aliud naturale, quod su-
peditur per conformitatem ad dictamen naturale

A intellectus & prudentia; & rursum naturale al-
liud de proprio illius suppositi in quo est vo-
luntas, cuiusmodi est moderatio propria
passionum; & aliud alienum, quale est radice
alteri quoā suum est; quarum Theologi, &c.
in ordine ad quod bonum honestum ex aligna-
tissimis ponenda sit in voluntate virtus?

§ I.

Tripli conclusione difficultas risolvitur.

Dico primò, voluntarem indigere habitu vir-
tutis ad attingendum bonum supernaturale.

B Probatur breviter: Voluntas indiget virtute
ad attingendum objectum quod excedit pro-
portionem volentis: Sed bonum supernaturale
excedit proportionem volentis, quantum ad
speciem, cum illud sit supra totam speciem na-
turae humanae: Ergo voluntas indiget virtute
superadditam ad attingendum bonum divinum &
supernaturale, nimirum spe & charitate.

Dico secundò, requiri eriā in voluntate ha-
bitum virtutis ad attingendum prompte & faci-
liter bonum alienum, etiam naturale.

C Probarū: Licet bonum alienum naturale, non
excedat proportionem voluntatis, quantu-
m ad speciem, sicut bonū supernaturale, oī
tamen excedit, quantum ad individuum; quia
uniuersusque voluntas, hoc ipso quod est radica-
ta in hoc numero supposito, determinatur per
suam differentiam individualē ad bonum pro-
prij suppositi, juxta illud Philosophi: Amabile
bonum, unicunque vero proprium: Ergo voluntas
indiget habitu virtutis ad attingendum bonum
alienum, etiam naturale, ut creditoris, patris,
benefactoris, &c. Et ideo Theologi colloquunt
ea iustitiam, & ejus partes, non tantum subjectivas,
nimirum concurvantib[us] distributivam, legalem,
& epikēiam, sed etiam potentiales, ut
pietatem, gratitudinem, observantiam, religio-
nem, &c. Per quod excluditur error Flaminij,
qui lib. 2. de felicitate, non sine clementia no-
ta, auctus est dicere, Errorem maximum est, quod
Philosophi & Theologi arbitrantur, virtutes aliquæ
morales esse in voluntate.

Dico tertio, voluntatem respectu proprii bo-
ni, saltem ordinis naturalis, non indigere virtute,
ac proinde omnes virtutes, respicientes hu-
mum modi bonitatem, residere contaxat in app-
petitu sensitivo. Ita communiter docent Thomistæ
contra Scotistas, & Patres Societatis, videlicet
turque hoc sententia esse expressæ Aristoteles,
& D. Thoma: Philosopher enim 3. Ethic. cap.
10. temperantiam & fortitudinem ponit in ap-
petitu sensitivo, solamque iustitiam collatam
voluntate. Idem clare docet S. Doctor quart. 1.
de virtutibus art. 5. ubi sic concludit: Sic ergo
dua virtutes sunt in voluntate sicut in subiecto secula-
ret charitas & iustitia, &c. Illas autem virtutes, quæ
circa passiones consistunt sicut fortitudo circa timores
& audacias, & temperantia circa concupiscentias,
oportet eadem ratione esse in appetitu sensitivo. Nec
oportet quod ratione ipsarum passionum sit aliqua vir-
tus in voluntate; quia bonum in ipsis passionibus est
quod est secundum rationem, & ad hoc naturaliter se
habet voluntas ex ratione ipsius potentie; cum si pro-
prium objectum voluntati. Quibus ultimis verbis
rationem fundamentalē nostrā conclusionis
insinuat. Nulla enim potentia eget habitu vir-
tutis ad attingendum objectum in ordine ad
quod

quod est per seipsum completa, determinata, & proportionata: Sed voluntas est completa, determinata, & proportionata ad attingendum bonum honestum proprij suppositi: Ergo non iudicet habitu virtutis ad illud attingendum. Major pater: habitus enim ad hoc tantum requiritur, ut potentiam ultimam compleat & determinet ad attingendum objectum, unde si potentia per seipsum est completa & proportionata, superflue in ea ponitur habitus. Minor vero probatur: Tum quia bonum honestum proprij supposito non excedit proportionem volentis, neque quantum ad speciem, cum sit ordinis naturalis, neque quantum ad individuum, cum non sit alienum, sed proprium suppositi appetitus. Tum etiam, quia sicut voluntas, ex quo est appetitus naturae rationalis, natura sua inclinatur & propendet in bonum ut sic, ideoque ad illud ut tale attingendum nulla ponitur virtus; ita ex quo est appetitus talis hominis, inclinatur ex se in bonum honestum talis suppositi: sicut enim differentia individualis contrahit voluntatem ut sit haec numero, ita & ejus inclinatio determinat ad bonum hujus suppositi.

Nec valet quod dicunt Adversarij, voluntatem esse quidem naturaliter completam, determinatam, & inclinatam ad bonum physicum proprii suppositi, non tamen ad bonum morale, seu honestum. Non valet, inquam, tum quia voluntas, cum sit inclinatio naturae rationalis, consequens cognitionem intellectivam, debet habere ex se vim proportionatam ad attingendum bonum proprii suppositi rationi consummum; sicut appetitus sensitivus ex eo quod est inclinatio naturae sensitivae, sequens cognitionem sensitivam, habet ex se vim completam & proportionatam ad attingendum bonum sensitibile seu delectabile proprii suppositi. Tum etiam quia, ut supra dicebamus, bonum morale & honestum proprii suppositi, non excedit virtutem volentis, neque quantum ad speciem, neque quantum ad individuum.

Addunt aliqui, quod sicut cogitativa ex coniunctione ad intellectum, & appetitus sensitivus ex coniunctione ad voluntatem, imperfectam vim quandam disciri endi, & modum aliquem libertatis participant: ita voluntas ex coniunctione quam habet cum intellectu, ut est regula humanorum actuum, mediante synderei, rectitudinem quandam naturalem sortitur, per quam inclinatio ejus naturalis ad bonum honestum iuvatur & completur. De quo videri possunt Salmanticenses hic disp. 2. dubio 3. §. 1. ubi hanc doctrinam suse ac eruditè expendunt.

Non magis juvat alia responso Adversarium, dicentium non sufficere ad hoc quod voluntas virtute non indigeat ad attingendum bonum honestum proprii suppositi, quod posse abi solute illud attingere, sed insuper requiri quod possit facile & delectabiliter in illud tendere: quamvis autem (inquit) voluntas ex natura sua habeat vim ad attingendum bonum proprium morale, non tamen facile & delectabiliter. Non magis, inquam, juvat haec responso: nam ratio adiusta probat, voluntatem posse attingere bonum honestum proprii suppositi, facile & delectabiliter; potentia enim proportionata & completa ad aliquod bonum, facile & delectabiliter ad illud tendit; quia difficultas non potest provenire nisi ex excessu & improprio obiecti cum potentia, vel quantum ad

speciem, vel quantum ad individuum; adeoque si voluntas sit completa & proportionata ex natura sua ad attingendum bonum honestum proprij suppositi, taleque bonum, neque quantum ad speciem, neque quantum ad individuum, proportionem voluntatis excedat, in supra offensum est, facile & delectabiliter illud attinger, rotaque difficultas, quae in hujus boni attingentia reperitur, se tenebit ex parte appetitus, in quo sunt immoderatae passiones, electionem boni honesti impedites vel retardantes: unde in ipso quidem appetitu sensitivo ponenda sunt virtutes temperantiae & fortitudinis ad subjiciendas vel moderandas hujusmodi passiones, non vero in voluntate, in qua solum collocatur justitia, cum aliis virtutibus ei annexis, ad attingendum faciliter & delectabiliter bonum alienum, quod excedit proportionem voluntatis quantum ad individuum, ut in secunda conclusione declaravimus, & magis patet ex solutione argumentorum.

§. II.

Solvantur objectiones.

Obijecies primò: Intellectus ad quodcumque verum recte attingendum indiget habitu virtutis intellectualis, etiam ad ipsa prima principia, tam speculativa, quam practica; nam ad speculativa ponitur in illo habitus intelligentiae, & ad practica synderesis: Ergo etiam voluntas ad quodcumque bonum honestum recte attingendum, etiam ad bonum in communi, & ad bonum honestum proprii suppositi, indigebit habitu virtutis moralis.

Respondeo ex D. Thoma infra quest. 62. art. 37. 3. ad 1. & quest. 1. de virtutibus art. 5. ad 3. ne-gando consequiam, & paritatem: quia intellectus non est de se in actu primo completus ad cognoscendum, sed sicut indiget speciebus ad quamcumque cognitionem, etiam primorum principiorum, ita & habitu inclinante ad illam: voluntas vero non indiget habitu inclinante in bonum honestum in communi, aut etiam in bonum proprium, quia cum sit essentialiter appetitus rationalis, est ex se in actu primo inclinata respectu boni honesti in communi; & cum sit appetitus rationis talis suppositi, in bonum proprium illius naturaliter inclinatur.

Obijecies secundò: Ad omnem actum virtutis faciliter producendum ponit habitus in potentia illum elicente: Sed à voluntate procedunt plures actus virtutis circa bonum honestum proprii suppositi, ut cum quis eligit sumere cibum in debita quantitate & aliis circumstantiis: Ergo & virtutes circa tale bonum debent in ea collocari.

Confirmatur primò: Habitum acquiritur per actum repetitionem: Ergo repetitis actibus virtuosis voluntate circa proprium bonum, debet virtus generari.

Confirmatur secundò: Voluntas per actus virtuosos etiam circa bonum proprium, acquirit habitum virtutis: Ergo per virtuosos acquirit habitum virtutis. Consequentia patet, tum à paritate rationis: tum etiam quia contraria debent verari circa idem subiectum, atque adeo potentia, qua potest esse subiectum virtutis circa proprium bonum, etiam poterit esse subiectum contraria virtutis.

Tt 2

Ad

- Ad objectionem respondeo, distinguendo.
39. Majorem: Ad omnem actum virtutis faciliter producendum ponit debet habitus in potentia quam eliciente, quando non est sufficienter completa & determinata ex se ad illum elicendum, concedo Majorem: si sit sufficienter completa & determinata, nego Majorem. Constat autem ex dictis voluntatem esse sufficienter completa & determinata ex natura sua ad bonum honestum proprii suppositi, & in illud naturalem habere inclinationem, cum sit appetitus rationalis talis suppositi, ut supra declaravimus. Ex quo patet responsio ad primam confirmationem: Major enim distinguenda est, habitus acquiritur per actum repetitionem, si potentia sit capax illius, concedo Majorem: si non sit capax, nego Majorem: lapis enim v.g. quantumcumque descendat, non acquirit habitum, quia est incapax illius, cum per naturalem gravitatem sit completeme inclinatus ad descendum. Similiter potentia naturales, ut vegetativa, nutritiva, & similes, quantumcumque operentur, non acquirunt habitum, quia naturaliter sunt ad agendum completa. Idem cum proportione descendunt de voluntate respectu proprii boni.
- Ad secundam respondeo primo, negando Antecedens: sicut enim quia lapis habet naturalem inclinationem completam ad descendum, non generatur in eo habitus ad ascendendum sursum, quantumvis millies sursum projectatur; ita nec in voluntate generatur habitus vitiosus circa bonum proprium, quia voluntas habet inclinationem naturalem completam respectu proptii boni honesti, quae non minus relabitur habitui vitioso inclinanti in contrarium, quam resisteret perfecta virtus acquisita, si ad esset.
- Respondeo secundo, dato Antecedenti, negando Consequentiam, & paritatem: ratio autem disparitatis est, quia voluntas ad actus males, circa quodcumque objectum exerceantur, non est ex se inclinata, ideoque requiritur habitus virtutum ad illos inclinare: ad actus vero honestos circa proprium bonum est ex propria natura inclinata, subindeque non potest ad illos per habitum inclinari.
40. Objecies tertio: Potentia indifferens ad bene vel male operandum, indiget habitu virtutis, quo ad bene operandum determinatur: Sed voluntas etiam respectu proprii boni est indifferens ad bene, vel male operandum; siquidem aliquando bene, aliquando male operatur: Ergo eger habitu virtutis, quo ad recte attingendum bonum proprium determinetur.
21. Respondeo distinguendo Majorem: Potentia indifferens, indifferentiā libertatis ad bene vel male operandum, indiget habitu virtutis, &c. nego Majorem: potentia indifferens indifferentiā perfectibilitatis, concedo Majorem. Similiter distinguo Minorem: voluntas etiam respectu boni proprii est indifferens, indifferentiā libertatis, concedo Minorem: indifferentiā perfectibilitatis, nego Minorem, & Consequentiam. Duplex ergo distinguenda est in voluntate indifferentiā, alia libertatis, alia perfectibilitatis: prima convenient voluntati respectu cuiuscumque actus liberis; secunda solum convenienti respectu actus superexcedentis, ad quem propriæ vires potentiae non sufficiunt, sed indiget perfectione superadditæ: unde ita indifferentiā debet compleri & determinari per habi-
- tum, qui novam vim conferat potentiae; illa vero non petit auferri per habitum virtutis, imo adhuc posito tali habitu in voluntate, manet in ea haec indifferentiā; quia licet ille ad unum actum inclinet & determinet, haec tamen inclinatio & determinatio accommodatur natura potentiae liberae, subindeque non officit indifferentiā requisita ad libertatem: cum ergo voluntas respectu proprii & conaturalis boni honesti, non sit indifferens indifferentiā perfectibilitatis (quia tale bonum vires ejus naturales non excedit, neque quantum ad speciem, neque quantum ad individuum, ut supra ostensum est) sed dimitat indifferentiā libertatis & dominij, quae est facultas ad utrumlibet, nulli omnino alligata, non indiget habitu virtutis, quo ad recte attingendum tale bonum compleatur & determinetur.
- Dices: Habitū omnis, praesertim virtutis, ad hoc ponitur in potentia, ut compleat & determinet illam in ordine ad actum, & objectum quod sibi est difficile: Sed voluntas in prosecutione boni honesti, ofiam proprii, patitur non modicam difficultatem, & ideo saepè illud deficit, labiturque in oppositum malum: Ergo indiget habitu virtutis ad prosequendum & attingendum bonum honestum, etiam proprium.
- Respondeo, dupliceiter posse aliquem actum reddi difficultem potentiae, nimirum vel per se & intrinsecè, vel extrinsecè solam & per accidens. Dicitur difficultis primo modo, quando vel quantum ad speciem, vel quantum ad individuum, superat vires & proportionem potentiae. Censetur vero difficultis secundo modo, cum est talis solum ratione alicuius impedimenti extrinsecè retardans actionem, tametsi in potentia adhuc sufficiens virtus intrinsecè ad illum elicendum. Quando ergo dicitur habitu virtutis requiri, quando actus est difficultis potentiae, hoc verum est quando actus est illi difficultis per se, & ex obiecto; cum enim haec difficultas oratur ex defectu complementi & determinationis potentiae, auferri nequit nisi per formam intrinsecè completem & determinatrem potentiam in actu primo: falsum vero, si actus sit solum difficultis potentiae per accidentem, & ratione alicuius impedimenti extrinseci; tunc enim non requiritur habitus ut promptè fiat, sed sufficit amovere impedimentum: unde cum difficultas, quam voluntas interdum patitur in prosecutione boni honesti, proprii & conaturalis, non proveniat ex defectu perfectionis requisitæ, neque ex superexcedentia objecti, vel actus, sed ex passionibus immoderatis appetitus sensiti, aliisve impedimentis tenentibus se ex parte corporis, nullus requiritur habitus virtutis in voluntate, ad facile & delectabilius prosecendum tale bonum; sed si ad hoc aliquis habitus necessarius est, collocari debet in prædicto appetitu, ad moderandas ejus passiones, ex quantum immoderantia illius boni prosecutio difficultis redditur.
- Instabis: Difficultas, quam voluntas patitur in recondendo unicuique quod suum est, provenit ex passionibus, puta ex nimio amore sui, vel pecuniae: Sed hoc non obstante ponitur in voluntate iustitia ad hunc actum facile & delectabiliter exercendum: Ergo licet difficultas quam voluntas patitur in prosecutione boni honesti, proprii & conaturalis, ex passionibus immoderatis appetitus sensiti oriatur, nihilominus requiri-

requiritur habitus virtutis in voluntate, ad facile & delectabiliter prosequendum tale bonum.

Respondeo quod licet voluntas in exercendo actu iustitiae, & reddendo unicuique quod suum est, patiatur aliquam difficultatem ex passionibus appetitus sensitivi provenientem, haec tamen non est tota difficultas quam paritur in exercitio illius actus, sed simul cum difficultate illa extrinseca, ex passionibus appetitus provenientes, habet aliam sibi intrinsecam, petitatam ex excessu & improportione hujusmodi actus, non quantum ad speciem, sed quantum ad individuum, cum enim cuiuscumque voluntas sit radicata in hoc numero supposito, determinatur per suam differentiam individualem ad bonum proprii suppositi, subindeque ex majori & vehementiori inclinatione, quam habet ad bonum proprium, à prosecutione boni alieni retardatur: unde ad vincendam hanc difficultatem ponitur in voluntate habitus iustitiae. Ceterum ad proprium bonum honestum voluntas nullam patiatur difficultatem intrinsecam, ortam ex excessu & improportione illius, cum tale bonum, neque quantum ad speciem, neque quoad individuum vires ejus naturales excedat; sed tota difficultas, qua in hujus boni prosecutione reperiatur, ex intrinsecis impedimentis, & passionibus immoderatis appetitus sensitivi provenit: unde ad facile & delectabiliter prosequendum tale bonum, nullus in voluntate debet ponи habitus virtutis, sed sufficiere ponere in appetitu irascibili & concupiscibili virtutes fortitudinis & temperantiae, quibus immodeitate illius passiones cohabantur, & temperantur.

Objecies quartò: Humilitas veratur circa bonum proprium; ponitur enim ad moderaendum affectum spei, & appetitum propriæ excellentiæ, ut docet D. Thomas 2.2. quæst. 161. art. 4. Sed humilitas residet in voluntate: Ergo in voluntate ponitur virtus ad attingendum bonum proprium honestum. Major patet, Minor probatur. Idem est subjectum contrariorum: Sed superbia humilitati contraria est in voluntate, ut docet S. Doctor 2.2. quæst. 162. art. 3. & patet ex eo quod in Angelis prævaricatoribus, in quibus non est appetitus sensitivus, superbia reperitur: Ergo humilitas in voluntate, non vero in appetitu sensitivo residet.

Respondeo duplarem dari humilitatem, unam in voluntate, & aliam in appetitu sensitivo, solumque hanc posteriorem, qua est pars potentialis temperantiae, versari circa bonum proprium, moderando affectum propriæ excellentiæ absolute sumptuæ, non curando desubordinatione ad aliū; illam vero qua residet in voluntate, & est pars potentialis iustitiae, respicere bonum alienum, quia respicit propriam excellentiam, non absolute, sed ut subordinationem Deo, cum importet subjectionem hominis ad Deum, ut docet S. Thomas 2.2. quæst. 161. art. 1. ad his verbis: *Humilitas secundum quod est specialis virtus, præcipue respicit subjectionem hominis ad Deum, propter quem etiam aliis humiliando se subicit.*

DISPUTATIO III.

De distinctione virtutum.

Ad questionem 57. Divi Thome.

VARIAE solent tradi divisiones virtutis in communi: sed ceteris clarior & compendiosior ea est, quam S. Doctor hic prosequitur, quā scilicet virtus in intellectualem, moralē, & Theologicam distribuitur. De virtutibus intellectualibus & moralibus breviter hic agemus: de Theologicis vero speciale Tractatum instituemus infra, post Tractatum de justificatione impii, & merito iusti. Cui alium brevem de quatuor virtutibus Cardinalibus, & virtutis eis oppositis, subnecemus.

ARTICULUS PRIMUS.

De virtutibus intellectualibus.

Virtus intellectualis ea dicitur, qua perficit intellectum in ordine ad verum, sive speculativum, sive practicum; sicutque dividit in quinque species, qua vocantur intelligentia, seu habitus primorum principiorum, sapientia, scientia, ars, & prudentia. Ratio vero, hujus divisionis haec est: Cum virtus intellectualis perficiat intellectum in ordine ad verum, tot esse debet virtutes intellectuales, quot sunt habitus infallibiliter attingentes verum: Sed habitus infallibiliter attingentes verum sunt tantum quinque enumerati: Ergo illi solum sunt virtutes intellectuales. Major patet, Minor probatur. Verum quod certe & infallibiliter ab intellectu attingi potest, vel est universale, & consequenter necessarium, vel singulare & contingens? Si universale, vel est attingibile immediate, vel absque medio, & ex sola terminorum notitia, ut sunt prima principia? & pro illis ponitur habitus primorum principiorum. Vel est attingibile mediante, & per proprias causas, qua si fuerint particulares, ponitur scientia; si vero causa fuerint altissima & universalissima, ponitur sapientia. Si autem tale verum fuerit singulare, vel illud est factibile? & pro illo attingendo ponitur ars: vel agibile? & ad illud attingendum ponitur prudentia.

Præter has quinque virtutes intellectuales, dantur alij habitus seu dispositiones in intellectu, qua non habent rationem virtutis quia non attingunt infallibiliter verum, ut sunt fides humana, opinio, suspicio, dubium, solertia, &c. Differere vero in particulari de predictis quinque virtutibus intellectualibus, non est hujus loci, cum de his agatur in Philosophia: unde hic solum varias illarum species & divisiones expendemus.

Habitus ergo primorum principiorum dividitur in intelligentiam, & synderesim. Illa attingit prima principia speculativa, qua deferunt ad scientiarum acquisitionem: haec vero prima principia practica, qua ad rectam operationem & morum directionem conducent;

Tt 3 & ad